

ՍԱՂՄՈՍ 20

ԺԱՄԱՆԱԿԱԿԻՑ ԹԱՐԳՄԱՆՈՒԹՅՈՒՆՆԵՐԻ ՍՏՐՈՖ ԲԱԺԱՆՈՒՄՆԵՐ

NASB	NKJV	NRSV	TEV	NJB
Թշնամիների վրա հաղթանակի աղոթք	Աստծո փրկագործության երաշխիքը	Աղոթք պատերազ- մում Թագավորի հաղթանակի համար	Հաղթանակի աղոթք	Աղոթք համար
<u>MT ներածություն</u> Գլխավոր երաժշտին, Դավթի սաղմոսը				
20:1-3	20:1-3	20:1-3	20:1-5	20:1-2 20:3-4
20:4-5	20:4-5	20:4-5		20:5ա 20:5բ
20:6-9	20:6 20:7-8 20:9	20:6-8 20:9	20:6-8 20:9	20:6 20:7-8 20:9

ԸՆԹԵՐՑԱՆՈՒԹՅԱՆ ԵՐՐՈՐԳ ՑԻԿԼ («Սուրբ Գիրքը ճիշտ կարդալու ուղեցույց») ԸՍՏ ՊԱՐԲԵՐՈՒԹՅԱՆ ԲԵՆԱԳՐԻ ՀԵՂԻՆԱԿԻ ՆՊԱՏԱԿԻ ՀԵՏՔԵՐՈՎ

Սա սերտողության ուղեցույց մեկնությունն է, որը նշանակում է, որ դուք եք պատասխանատու Աստվածաշնչի ձեր մեկնության համար: Մեզնից յուրաքանչյուրը պետք է քայլի իր ունեցած լույսի ներքո: Մեկնաբանության մեջ հերթականությունը հետևյալ կերպ է՝ դուք, Աստվածաշունչը և Սուրբ Հոգին: Դուք չպետք է այն զիջեք որևէ մեկնաբանի:

Մեկ անգամ նստելով կարդացեք ամբողջ գլուխը: Գտեք թեմաները: Համեմատեք ձեր թեմաների բաժինները հինգ ժամանակակից թարգմանությունների հետ: Պարբերությունները ներշնչանքով չեն կատարված, սակայն դրանք կարևոր են բնագրի հեղինակի նպատակին հետևելու համար, որը հանդիսանում է մեկնաբանության սիրտը: Յուրաքանչյուր պարբերություն ունի միայն մեկ թեմա:

1. Առաջին պարբերություն
2. Երկրորդ պարբերություն
3. Երրորդ պարբերություն
4. Եվ այլն

ՀԱՄԱՏԵՔՍԱՑԻՆ ՀԱՍԿԱՑՈՒԹՅՈՒՆՆԵՐ

Ա. Հնարավոր է, որ սա եղել է պատերազմի գնալիս օրհներգ նախերգանք, ինչպես որ Սաղմոս 21-ը պատերազմից հաղթանակած վերադարձող թագավորին և զորաբանակին դիմավորելու օրհներգ է:

- Բ. Սաղմ. 20:3-ի պատարագները (այսինքն՝ «միս» և «ճարպ») հնարավոր է եղել են պատերազմից առաջ մատուցվող անհրաժեշտ գոհի պատարագները:
- Գ. Սաղմոս 20:5-ի երգը՝ աղաղակը և դրոշակը հնարավոր է հաղթանակած թագավորին դիմավորելիս ակնկալվող կերպերն են: Սաղմոս 21-ը հավանաբար հենց Սաղմ. 20:5-ին վերաբերող երգն է:

ԲԱՌԵՐԻ ԵՎ ԱՐՏԱՀԱՅՏՈՒԹՅՈՒՆՆԵՐԻ ՈՒՍՈՒՄՆԱՍԻՐՈՒԹՅՈՒՆ

NASB (ԹԱՐՄԵՑՎԱԾ) ՏԵՔՍՏ. ՍԱՂՄՈՍ 20:1-3
¹Նեղության օրը **ՏԵՐԸ լսի քեզ,**
Հակոբի Աստծո անունը քեզ պաշտպանի:
²Օգնություն ուղարկի քեզ սրբարանից
Ու Սիոնից գորացնի քեզ:
³**Քո բոլոր պատարագները հիշի**
Եվ քո ողջակեզներն ընդունի: Սեյա

20:1-3,4-5 Այս պարբերությունը աղոթք է, ինչպես Սաղմ. 20:4-5-ը, աղերս ՅԱՀՎԵԻՆ օգնելու Իր հետ ուխտի մեջ եղող մարդկանց (այսինքն՝ Դավթի սերնդի թագավորին, տես՝ 1 Թագ. 8:7, 10:19) պատերազմում (տես՝ Սաղմ. 20:5,7):

Ուշադրություն դարձրեք ԱՆԿԱՏԱՐԱՆԵՐԻ շարքին, որոնք կիրառված են ՀԱՅՏԱԿԱՆ իմաստով (տես՝ NASB, NRSV, REB, NIV, JPSOA, այսինքն՝ աղոթքի խնդրանքներ) Սաղմ. 20:1-5-ում:

1. Թող ՏԵՐԸ լսի քեզ /պատասխանի քեզ/ - BDB 772, KB 851, *Qal* ԱՆԿԱՏԱՐ
2. Թող Հակոբի Աստծո անունը քեզ պաշտպանի – BDB 960, KB 1305, *Piel* ԱՆԿԱՏԱՐ
3. Թող օգնություն ուղարկի քեզ սրբարանից – BDB 1018, KB 1511, *Qal* ԱՆԿԱՏԱՐ
4. Սիոնից գորացնի քեզ – BDB 703, KB 761, *Qal* ԱՆԿԱՏԱՐ
5. Քո բոլոր (ուտելու) պատարագները հիշի – BDB 269, KB 269, *Qal* ԱՆԿԱՏԱՐ
6. Թող սրտիդ համեմատ քեզ տա – BDB 678, KB 733, *Qal* ԱՆԿԱՏԱՐ, տես՝ Սաղմ. 21:2, 37:4:
7. Կատարի քո բոլոր խորհուրդները՝ նպատակները – BDB 569, KB 583, *Piel* ԱՆԿԱՏԱՐ
8. ՏԵՐԸ կատարի քո բոլոր խնդրածները – նույն ինչ #7:

20:1 «Նեղության օրը» Սա պարբերաբար կրկնվող արտահայտություն է (տես՝ Ծննդ. 35:3, 4 Թագ. 19:3, Սաղմ. 50:15, 77:2, 86:7, Առակ. 24:10, 25:19, Ես. 37:3, Երեմ. 16:19, Ոբդ. 1:12,14, Նավում 1:7, Ամբ. 3:16): Այն վերաբերում է կյանքի տարբեր խնդիրներին, որոնք առկա են այս մեղավոր՝ անկում ապրած աշխարհում: Նորությունն այն է, որ Աստված տեղյակ է մեր խնդիրների մասին (այսինքն՝ Ելից 3:7-8) և մեզ հետ է այդ բոլոր խնդիրների մեջ: Նա է բոլոր մարդկանց կարիքների պատասխանը և հրաշալի կերպով հետամուտ է լինում մեզ:

«Օր» տերմինը (BDB 398) ունի մի քանի նշանակություն:

ՀԱՏՈՒԿ ԹԵՄԱ. ՕՐ (YOM, BDB 398, KB 399)
SPECIAL TOPIC: DAY (YOM, BDB 398, KB 399)

Yom (օր՝ Ծննդոց 1) տերմինի նշանակության տեսությունները, որ վերցված և որդեգրված են Դոկ. Չոն Հարրիսի /Dr. John Harris/ (Արևելյան Տեխասի Մկրտական Համալսարանի Քրիստոնեական Դասընթացների Դպրոցի դեկան և ՀԿ-ի դասախոս) ՀԿ-ի Ուսումնասիրություն I նշումներից՝

1. Բառացի քանչորս ժամյա տևողության տեսությունը
 Սա անմիջական՝ ուղղակի մոտեցում է (տես՝ Ելից 20:9-11): Այս մոտեցման արդյունքում հարցեր են առաջանում.
 ա. Ինչպե՞ս կարող էր լույս լինել առաջին օրը, երբ արևը մինչև չորրորդ օրը դեռ չէր ստեղծվել:

բ. Ինչպե՞ս էր հնարավոր մեկ օրից էլ քիչ ժամանակի մեջ բոլոր կենդանիներին (հատկապես նրանց, որոնք աշխարհի այլ վայրերին են բնորոշ) անուն դնել (տես՝ Ծննդ. 2:19-20):

2. Օր - Հազարամյակ տեսությունը

Այս տեսությունը փորձում է ներդաշնակության մեջ բերել գիտությունը (հատկապես կենսաբանությունը) Սուրբ Գրքի հետ: Այս տեսությունն ասում է, որ «օրերը» «կենսաբանական դարաշրջաններ» էին իրենց տևողությամբ: Դրանց տևողությունը անհավասար է և նրանք մոտեցնում են համաչափ երկրաբանության մեջ նկարագրված զանազան շերտերը: Գիտնականները հակված են համաձայնելու Ծննդոց 1-ի ընդհանուր զարգացումների հետ. գոյորշի և ջրային զանգված է նախորդել ցամաքի և ծովի բաժանմանը, նախքան երկրի վրա կհայտնվեր կյանքը: Բուսական աշխարհը ստեղծվել է կենդանական աշխարհից առաջ, իսկ մարդը ներկայացրել է ամենավերջին և ամենաբարդ կյանքի տեսակը: Այս մոտեցումն ինքնին հարցեր է առաջ քաշում:

ա. Ինչպե՞ս են բույսերը գոյատևել «դարեր» շարունակ առանց արևի:

բ. Ինչպե՞ս էր բուսական աշխարհը վերապրում փոշոտումը, եթե «դարեր» անց նոր հայտնվեցին միջատները և թռչունները:

3. Իրար հաջորդող Հազարամյակ – Օր տեսությունը

Իրականում օրերը քսանչորս ժամ տևողությամբ են, սակայն յուրաքանչյուր օրը մյուսից բաժանվում է հազարամյակներով, որի ընթացքում այն ինչ ստեղծվել էր, զարգանում էր: Հարցեր են ծագում այսպիսի մոտեցումից.

ա. Միևնույն խնդիրներն են ծագում ինչպես և Օր- Հազարամյակ տեսության մեջ է:

բ. Արդյո՞ք տեքստը նշում է «օր» բառը, որպեսզի այն հասկացվի թե՛ քսանչորս ժամերը և թե՛ մի ամբողջ հազարամյակ:

4. Կատարելագործվող Արարչագործություն – Աղետ տեսությունը

Այս տեսությունը հետևյալ կերպ է բացատրվում. Ծննդոց 1:1-ի և 1:2-ի միջև գոյություն ունի մի անորոշ ժամանակահատված, որի ընթացքում երկրաբանական հազարամյակներ են անցել. այս ընթացքում, համաձայն հանաժողովի տված հերթականության ստեղծվել են նախապատմական արարածներ. մոտ 200,000 տարի առաջ մի գերբնական աղետ է տեղի ունեցել և բնաջնջել այս մոլորակի վրա գոյություն ունեցող կյանքի մեծ մասը և շատ կենդանիների վերացրել. դրանից հետո սկսել են Ծննդոց 1-ի օրերը: Այս օրերը ավելի շուտ վերաբերում են վերաստեղծմանը, քան թե սկզբնական արարչագործությանը:

5. Միայն Եդեմ տեսությունը

Ստեղծագործության պատմությունը վերաբերում է միայն Եդեմի Պարտեզի արարչագործությանն ու ֆիզիկական ասպեկտներին:

6. Ճեղքման տեսությունը

Ծննդոց 1:1-ի հիման վրա Աստված ստեղծեց կատարյալ աշխարհ: Ծննդոց 1:2-ի հիման վրա, Արյուսակը (Սատանան) դրվեց պատասխանատու այս աշխարհի վրա և ապստամբեց: Ապա Աստված դատեց Արյուսակին և աշխարհը՝ այն բնաջնջելով: Միլիոնավոր տարիներ շարունակ աշխարհը թողնվեց այդպես և երկրաբանական հազարամյակներն անցան: Ըստ Ծննդոց 1:3-2:3-ի Ք.Ա. 4004 թ-ին տեղի ունեցան վերաստեղծման վեց տառացի քսանչորս ժամյա օրերը: Եպիսկոպոս Աշերը (Bishop

Ussher, մ. թ. 1654) կիրառում էր Ծննդոց 5-ի և 11-ի սերնդաբանությունները, որպեսզի հաշվի և թվագրի մարդկության արարումը՝ Ք. Ա. 4004: Սակայն սերնդաբանությունները չեն ներկայացնում ժամանակագրական լիարժեք սանդղակները:

7. Սուրբ Շաբաթի Տեսությունը

Ծննդոց գրքի հեղինակը կիրառել է օրերի և մեկ շաբաթի հասկացությունը որպես բառացի միջոց արարչագործության մեջ Աստծո գործողությունների սուրբ ուղերձը ներկայացնելու համար: Այսպիսի կառուցվածքը լուսաբանում է Աստծո արարչագործության գեղեցկությունն ու համաչափությունը՝ ներդաշնակությունը:

8. Տիեզերական Տանարի Հանդիսավոր Բացումը

Սա Ջոն Հ. Ուոլթոնի, *Ծննդոց Մեկի Կորած Աշխարհը*, (John H. Walton, *The Lost World of Genesis One*, IVP, 2009) գրքից վերջին տեսակետն է, որը վեց օրերը դիտարկում է որպես «ֆունկցիոնալ գոյաբանություն և ոչ թե նյութական գոյաբանություն՝ օնտոլոգիա»: Նրանք բնութագրում են Աստծուն որպես մարդկության բարօրության համար գործող տիեզերք ստեղծող կամ կարգադրող: Սա համապատասխանում է մյուս հնագույն տիեզերագիտություններին: Օրինակ, առաջին երեք օրերը ներկայացնում են Աստծուն որպես «եղանակները» (այսինքն՝ ժամանակը), «եղանակը» (այսինքն՝ բերքի համար) և «անունը» ապահովողի՝ ստեղծողի: «Բարի է» կրկնվող արտահայտությունը մատնանշում է ֆունկցիոնալ վիճակը:

Յոթներորդ օրը նկարագրում է Աստծուն Իր լիարժեք գործող և բնակեցված «տիեզերական տանարը» մտնելիս, որպես դրա օրինական սեփականատեր, վերահսկող և տնօրինող: Ծննդոց 1-ը ոչ մի կապ չունի մատերիայի նյութական արարչագործության հետ, այլ այդ մատերիային հրամայելու հետ, որ դառնա Աստծո և մարդկության փոխհարաբերության համար գործնական մի վայր:

«Օրերը» դառնում են գրականական միջոց, որպեսզի հաղորդեն ANE-ի ընդհանուր համաձայնությունը, որ՝

ա. տարբերություն չկա «բնականի» և «գերբնականի» միջև:

բ. Աստված ներգրավված է մեր կյանքի յուրաքանչյուր ոլորտի մեջ: Նրա մեծ նպատակը՝ աշխարհայացքը չի եղել Իսրայելի բացառիկությունը, այլ հետևյալը՝

(1) նրա միաստվածությունը

(2) Ստեղծագործությունը մարդկության համար էր և ոչ թե աստվածների

(3) Իսրայելի պատմության մեջ չկա աստվածների միջև կամ աստվածների և մարդկանց միջև բախումներ

Նա ուրիշներից չի վերցրել իր արարչագործության պատմությունը, այլ կիսվել է իրենց ընդհանուր աշխարհայացքը:

«Օր» տերմինը սովորաբար վերաբերում է երկրագնդի պտույտի 24 ժամյա ցիկլին (այսինքն՝ Ելից 20:9-10), սակայն այն կարող է վերաբերել նաև ինչ-որ անորոշ ժամանակի (տես՝ Ծննդ. 2:4, 5:2, Հռութ 1:1, Սաղմ. 50:15, 90:4, Ժող. 7:14, Եսայի 4:2, 11:2, Չաք. 4:10):

❖ «Հակոբի Աստծո անունը» Երկու Հատուկ Թեմաներ կան, որոնք լուսաբանում են այս արտահայտությունը:

1. ՀԱՏՈՒԿ ԹԵՄԱ. ԱՍՏԾՈ ԱՆՈՒՆՆԵՐԸ

2. ՀԱՏՈՒԿ ԹԵՄԱ. ՅԱՀՎԵԻ ԱՆՈՒՆԸ



NASB «քեզ ապահով բարձր տեղերում կդնի»
NKJV «կպաշտպանի քեզ»
NRSV, TEV, NJB, LXX «կպահի քեզ»
JPSOA «ապահով կպահի քեզ»
REB «քո գորության աշտարակը կլինի»

MT ԲԱՅԸ (BDB 960, KB 1305, *Piel* ԱՆԿԱՏԱՐ, կիրառված ՀԱՅՅԱԿԱՆ իմաստով) «բարձր լինել» արմատից է, և հետևաբար անհասանելի և ապահով (տես՝ Սաղմ. 59:1, 69:29, 91:14, 107:41): Սա նույն տեսարանն է, որ բնութագրվում է Սաղմ. 18:2-ում՝ բարձր, պաշտպանիչ ամրոցի:

20:2 «սրբարանից . . . Սիոնից» Սա պոեզիայի հանգավորված գուգահեռ տողեր են: Երկուսն էլ վերաբերում են Երուսաղեմի տաճարին: Այն չի կառուցվել Դավթի օրոք, այլ դեռևս գործում էր խորանը: Երուսաղեմը տեղակայված էր յոթ բլուրների վրա. տաճարը կառուցված էր Մորիա լեռան վրա (տես՝ 1 Մնաց. 21:18, 2 Մնաց. 3:1): Սիոն լեռը Հերուսացիների ամրոցի տեղանքն էր, որը Դավիթը գրավեց (տես՝ 2 Թագ. 5:7, 1 Մնաց. 11:5), ինչպես նաև իր պալատի տեղանքն էր: Այն հետագայում սկսվեց գործածվել որպես անուն ամբողջ Երուսաղեմի համար, իսկ «Սիոնի աղջիկ» արտահայտությունը՝ Իսրայելի ժողովրդի համար (տես՝ 4 Թագ. 19:21):

Ուշադրություն դարձրե՛ք, որ Սաղմ. 20:6 կիրառում է «իր սուրբ Երկնքից» արտահայտությունը, որը մեկ այլ գուգահեռ է:

20:3 «Սելա» Տես՝ Սաղմ. 3:2-ի գրառումը և Սաղմոսների Ներածությունը, VII:

NASB (ԹԱՐՄԵՑՎԱԾ) ՏԵՔՍՏ. ՍԱՂՄՈՍ 20:4-5

4Սրտիդ համեմատ քեզ տա
Եվ կատարի քո բոլոր խորհուրդները:
5Քո փրկությամբ ենք ուրախանալու
Ու մեր Աստծո անունով դրոշակ վերցնելու:
ՏԵԲԸ կատարի քո բոլոր խնդրածները:

20:4 «քո սրտի ցանկությունը» Սա խաղաղության և վստահության աղբյուրն է: Դավթի Թագավորական պատշաճ ցանկության լավագույն օրինակներից մեկն է Մողմոնի աղոթքը Տաճարի նվիրաբերման օրը (տես՝ 3 Թագ. 8:22-61):

20:5

NASB «ուրախությամբ երգելու ենք»
NKJV, LXX «ցնձալու ենք»
NRSV, TEV, JPSOA «կաղաղակենք ուրախությամբ»
NJB «ուրախությամբ կարող ենք գոչել»
REB «Եկեք բարձրաձայն երգենք քո փառքը»

Այս ԲԱՅԸ (BDB 943, KB 1247, *Piel* ԸՂՁԱԿԱՆ) մատնանշում է «գոյուն»՝ թե լավ և թե՛ վատ, համաձայն համատեքստի: Այստեղ նկարագրված է ՅԱՀՎԵԻ կողմից գրանցված ռազմական հաղթանակի վրա ցնձալը (տես՝ Սոփ. 3:14):

❖ **«մեր դրոշակները կբարձրացնենք»** Սա հետևում է ԼՂ (BDB 186, KB 213, *Qal* ԱՆԿԱՏԱՐ [ՀԿ-ում տրված է միայն այստեղ] կիրառված ԸՂՁԱԿԱՆ իմաստով): Հաղթանակով վերադարձող թագավորի և զորքի համար սա ակնկալվող դիմավորելու կերպ էր:

NET Աստվածաշունչը (էջ՝ 875) առաջարկում է շտկում մեկ այլ բայական արմատի ԼՂ – BDB 162 ՆԱԽԴԻՐՈՎ: NET Աստվածաշունչը առաջարկում է, որ սա ավելի լավ է համընկնում համագորությանը և նաև նշում Սաղմ. 89:16, որտեղ ԲԱՅԸ գործածվում է «Քո անունով» խոսքի հետ առնչությամբ:

❖ **«խնդրածները»** Այս հազվադեպ ԳՈՅԱԿԱՆԸ (BDB 982) ՀԿ-ում միայն երկու անգամ կարելի է գտնել՝ այստեղ և Սաղմ. 37:4-ում: ԲԱՅԱԿԱՆ արմատը (BDB 981) նշանակում է «խնդրել»: Արմատը հայտնվում է մի քանի անունների մեջ (տես՝ 1 Թագ. 9:2,3,5, 1 Մնաց. 1:48,49, 4:24, 6:24):

NASB (ԹԱՐՄԵՑՎԱԾ) ՏԵՔՍՏ. ՍԱՂՄՈՍ 20:6-9

⁶Հիմա հասկացա, թե ՏԵՐԸ փրկում է Իր օձյալին,
Նրան լսում է Իր սուրբ երկնքից՝
Իր աջ ձեռքի փրկարար զրույթյամբ:
⁷Ոմանք ապավինում են կառքերին և ոմանք էլ՝ ձիերին,
Բայց մենք մեր ՏԵՐ Աստծո անունն ենք հիշելու:
⁸Նրանք խոնարհվեցին ու ընկան,
Բայց մենք բարձրացանք և ուղիղ կանգնեցինք:
⁹Ո՛վ ՏԵՐ, փրկի՛ր, թող Թագավորը լսի մեզ,
Երբ կանչում ենք:

20:6-9 Սաղմոսերգուն (այսինքն՝ Թագավորը, որևէ քահանա կամ հավաքական ԵԶԱԿԻ անձ, Սաղմ. 20:9-ին ամենաշատը համապատասխանում է այս վերջին տարբերակը) հաստատում է իր վստահությունը, որ ՅԱՀՎԵՆ կպատասխանի ճիշտ կերպով:

1. հիմա հասկացա՝ գիտեմ – BDB 393, KB 390, *Qal* ՎԱՂԱԿԱՏԱՐ
2. ՅԱՀՎԵՆ փրկում է – BDB 446, KB 448, *Hiphil* ՎԱՂԱԿԱՏԱՐ

ԲԱՅՆ արտահայտում է ամրապնդված վստահություն (տես՝ Սաղմ. 56:9, 118:6, Հոմմ. 8:31-39): ՅԱՀՎԵՆ լսելու և պատասխանելու է դրական պատասխանով (տես՝ Սաղմ. 20:6բ,գ): Թագավորը և ուխտի ժողովուրդը կազմում են ամբողջ մարդկության ավելի մեծ տիեզերական փրկագործության ծրագրի մի մասը: ՀԱՏՈՒԿ ԹԵՄԱ. ՅԱՀՎԵՒ ՀԱՎԻՏԵՆԱԿԱՆ ՓՐԿԱԳՈՐԾՈՒԹՅԱՆ ԾՐԱԳԻՐԸ:

20:6 «Նրա օձյալը» Սա երբայերեն ԲԱՅ է «օձել» (BDB 603), որը հայտնի անուն դարձավ Աստծո կողմից Եկող Հատուկ Թագավորի համար (տես՝ Սաղմ. 2:2, 18:50): Տես Հատուկ Թեմաներ՝

1. ՀԿ-ՅԱՆ ՏԻՏՂՈՍՆԵՐԸ ՀԱՏՈՒԿ ԵԿՈՂԻ ՀԱՄԱՐ
2. ՄԵՍԻԱ

❖ **«Նրա աջ ձեռքը»** Սա երբայերեն դարձվածք է գորույթյամբ, իշխանությամբ գործելու համար: ՀԱՏՈՒԿ ԹԵՄԱ. ՉԵՌՔ

20:7 «Պարծենալ» ԲԱՅԸ (BDB 269, KB 269, *Hiphil* ԱՆԿԱՏԱՐ) բառացիորեն նշանակում է «ստիպել հիշել»՝ ինչ-որ անցյալի դեպքի կամ օրհնության կամ անձով ուրախանալու կամ մեծարելու նշանակությամբ: Այն արտահայտում է այն, ինչին որ անձը վստահում է՝ ապավինում:

1. մարդկային գորույթյանը (այսինքն՝ կառքեր, ձիեր, զինվորներ, զենքեր, և այլն)
2. ՅԱՀՎԵՒՆ և Նրա խոստումներին

«Պարծենալու» գաղափարը Աստվածաշնչում կարևոր է. նկատե՛ք հատկապես Երեմ. 9:23-24: Տե՛ս այս հասկացության կիրառությունը Պողոսի թղթերում ստորև տրված Հատուկ Թեմայի մեջ:

Ահա մի քանի լավ գուգահեռ տեքստեր՝ 2 Օր. 20:1, 31:6,8, Դատ. 7:2, 1 Թագ. 17:45,47, 2 Մնաց. 20:17, 32:8, Սաղմ. 33:16,17, 44:2-3,4-8, 60:11-12, 146:3-7, 147:10, Առակ. 21:31, Ես. 31:3, Երեմ. 17:5, Չաք. 4:6: Ինչի՞ն էք դուք վստահում, ինչո՞վ էք դուք պարծենում:

**ՀԱՏՈՒԿ ԹԵՄԱ. ՊԱՐԾԵՆԱԼ
SPECIAL TOPIC: BOASTING**

Հունարեն այս տերմինները *kauchaomai*, *kauchēma* և *kauchēsis* Պողոսը գործածում է երեսուն հինգ անգամ և միայն երկու անգամ գործածվում է ՆԿ-ի մյուս գրքերում (երկուսն էլ Հակոբոսի կողմից): Գերակշիռ կիրառությունը 1 և 2 Կորնթացիների թղթերում է:

Երկու հիմնական ճշմարտություններ կան պարծենալու հետ կապված՝

Ա. ոչ մի մարմին չի փառավորվելու՝ պարծենալու Աստծո առաջ (տես՝ 1 Կորնթ. 1:29, Եփես. 2:9)

Բ. հավատացյալները պետք է պարծենան Տիրոջով (տես՝ 1 Կորնթ. 1:31, 2 Կորնթ. 10:17, որը Երեմ. 9:23-24-ից մեջբերում է)

Հետևաբար, գոյություն ունի տեղին և անտեղի պարծենալ՝ փառավորվել (այսինքն՝ հպարտություն):

Ա. Տեղին՝

1. փառքի հույսով (տես՝ Հռոմ. 4:2)
2. Աստծով՝ Տեր Հիսուսի միջոցով (տես՝ Հռոմ. 5:11)
3. Տեր Հիսուսի խաչով (այսինքն՝ Պողոսի հիմնական թեման, տես՝ 1 Կորնթ. 1:17-18, Գաղ. 6:14)
4. Պողոսը պարծենում է՝
 - ա. իր ծառայությունն առանց վարձատրության է (տես՝ 1 Կորնթ. 9:15,16)
 - բ. Քրիստոսից իր ունեցած իշխանությամբ (տես՝ 2 Կորնթ. 10:8,12)
 - գ. այլ մարդկանց աշխատանքով չի պարծենում (ինչպես Կորնթոսում ոմանք անում էին, տես՝ 2 Կորնթ. 10:15)
 - դ. իր տոհմական ժառանգությամբ (ինչպես ուրիշներն էին անում Կորնթոսում, (տես՝ 2 Կորնթ. 11:17, 12:1,5,6)
 - ե. իր եկեղեցիներով՝
 - (1) Կորնթոսի (2 Կորնթ. 7:4,14, 8:24, 9:2, 11:10)
 - (2) Թեսաղոնիկեի (տես՝ 2 Թեսաղ. 1:4)
 - (3) Աստծո մխիթարության և ազատագրման վրա ունեցած իր վստահությամբ (տես՝ 2 Կորնթ. 1:12)

Բ. Անտեղի՝

1. Կապված հրեական իր ժառանգության հետ (տես՝ Հռոմ. 2:17-23, 3:27, Գաղ. 6:13)
2. Կորնթոսի եկեղեցում ոմանք պարծենում էին՝
 - ա. տղամարդկանցով (տես՝ 1 Կորնթ. 3:21)
 - բ. իմաստությամբ (տես՝ 1 Կորնթ. 4:7)
 - գ. ազատությամբ (տես՝ 1 Կորնթ. 5:6)
3. սուտ վարդապետները փորձում էին պարծենալ Կորնթոսի եկեղեցով (տես՝ 2 Կորնթ. 11:12):

20:8 Ուշադրություն դարձրե՛ք հակասական գուգահեռականությանը: Մեր խոսքերն ու մեր գործողություններն ունեն հետևանքներ:

20:9 «Փրկիր, ո՛վ ՏԵՐ» Սա բացականչական աղոթքի խնդրանք է (BDB 446, KB 448, *Hiphil* ՀՐԱՄԱՅԱԿԱՆ, տես՝ Սաղմ. 3:7, 6:4, 17:13):

ՀԱՏՈՒԿ ԹԵՄԱ. ՓՐԿՈՒԹՅՈՒՆ (ՀԿ)

❖ «**թող Թագավորը լսի մեզ, երբ կանչում ենք**» ԲԱՅԻ քերականական ձևը *Qal* ԱՆԿԱՏԱՐ է՝ կիրառված ՀԱՅՅԱԿԱՆ իմաստով: LXX և մի քանի անգլերեն թարգմանություններ սա դիտարկում են որպես Թագավորի համար ժողովրդի կողմից բարձրացված աղոթք (տես՝ Սաղմ. 20:6,

Սաղմ. 21:7, NRSV, TEV, NJB, REB) կամ «Թագավորը» կարող է վերաբերել ՅԱՀՎԵԻՆ (տես՝ Թագուհի *UBS Ձեռնարկը*, էջ՝ 202, նաև՝ Սաղմ. 98:6, 145:1):

ՀԱՏՈՒԿ ԹԵՄԱ. ԱՍՏԾՈՒ ԹԱԳԱՎՈՐՈՒԹՅՈՒՆԸ
SPECIAL TOPIC: THE KINGDOM OF GOD

ՀԿ-ում ՅԱՀՎԵՆ (YHWH) համարվում էր Իսրայելի Թագավոր (տես՝ 1 Թագ.8:7, Սաղ.10:16, 24:7-9, 29:10, 44:4, 89:18, 95:3, Ես. 43:15, 44:4,6), իսկ Մեսիան՝ իդեալական թագավոր (տես՝ Սաղ.2:6, Ես.9:6-7, 11:1-5): Բեթլեհեմում Հիսուսի ծննդյամբ (մ.թ.ա. 6-4) Աստծո Թագավորությունը նոր իշխանությամբ և փրկությամբ (նոր ուխտ, տես՝ Երեմ.31:31-34, Եզեկ.36:27-36) մուտք գործեց մարդկության պատմություն: Հովհաննես Մկրտիչը հռչակում էր այդ թագավորության մտալուտ լինելը (տես՝ Մատթ.3:2, Մարկ.1:15): Հիսուսը պարզ սովորեցնում էր, որ Թագավորությունը Իր և Իր ուսմունքի մեջ է (տես՝ Մատթ.4:17,23, 9:35, 10:7, 11:11-12, 12:28, 16:19, Մարկ.12:34, Դուկ.10:9,11, 11:20, 12:31-32, 16:16, 17:21): Մինչդեռ այդ Թագավորությունը նաև ապագա Թագավորություն է (տես՝ Մատթ. 16:28, 24:14, 26:29, Մարկ.9:1, Դուկ.21:31, 22:16,18):

Մարկոսի և Դուկասի Մինոպտիկ գուգահեռների մեջ հանդիպում ենք «Աստծո Թագավորություն» արտահայտությունը: Հիսուսի ուսմունքների մեջ մեծ տարածում գտած այս թեման բովանդակում է Աստծո մարդկանց սրտերում տիրելու իմաստը, որը մի օր կտարածվի ամբողջ աշխարհով մեկ: Սա արտացոլվում է Մատթ.6:10-ում Հիսուսի աղոթքի մեջ: Մատթեոսը, գրելով հրեաներին, նախընտրել է մի արտահայտություն, որտեղ չի գործածվում Աստծո անունը (Երկնքի Արքայություն), մինչդեռ Մարկոսն ու Դուկասը՝ գրելով հեթանոսներին, կիրառել են տարածված անվանումը՝ օգտագործելով աստվածության անունը:

Սա կարևոր արտահայտություն է Մինոպտիկ՝ համանման Ավետարաններում: Հիսուսի առաջին և վերջին քարոզները և Նրա առակների մեծամասնությունը գործ ունեին այս թեմայի հետ: Այժմ այն վերաբերում է Աստծո մարդկանց սրտերում թագավորելուն: Չարմանալի է, որ Հովհաննեսը այս արտահայտությունը գործածում է միայն երկու անգամ (և երբեք չի գործածում Հիսուսի առակների մեջ): Հովհաննեսի Ավետարանում «հավիտենական կյանք» խոսքն է բանալի փոխաբերությունը:

Այս արտահայտության հետ կապված լարվածություն է ստեղծվում Հիսուսի երկու գալստյան պատճառով: ՀԿ-ը կենտրոնանում է միայն Աստծո Մեսիայի մի գալստյան վրա՝ ռազմական, դատաստանի, փառավոր գալստյան, սակայն ՆԿ-ը ցույց է տալիս, որ Նա առաջին անգամ եկավ որպես Եսայի 53-ի Չարչարված Ծառան և Չաք.9:9-ի խոնարհ Թագավորը: Երկու հրեական դարաշրջանները՝ ամբարշտության դարաշրջանը և արդարության նոր դարաշրջանը, մասամբ համընկնում են: Հիսուսը ներկայումս տիրում է հավատացյալների սրտերում, սակայն մի օր տիրելու է ամբողջ ստեղծագործության վրա: Նա վերադառնալու է ՀԿ-ի կանխատեսության համաձայն: Հավատացյալները ապրում են Աստծո Թագավորության «ներկայում» ի հակադրություն դրա «ապագայի» (տես՝ Գորդն Դ. Ֆիի և Դուգլաս Ստյուարտի *Ինչպես կարդալ Աստվածաշունչը Իր Ամբողջ Իմաստով*, էջ՝ 131-134 /Gordon D. Fee and Douglas Stuart's *How to Read The Bible For All Its Worth*):

ՀԱՏՈՒԿ ԹԵՄԱ. ՉԱՐՉԱՐՎՈՂ ՄԵՍԻԱ

ՀԱՏՈՒԿ ԹԵՄԱ. ԱՅՍ ԵՎ ԳԱԼԻԲ ԺԱՄԱՆԱԿԱՇՐՁԱՆՆԵՐԸ

ՔՆՆԱՐԿՄԱՆ ՀԱՐՑԵՐ

Սա ուղեցույց հանդիսացող սերտողության մեկնաբանություն է, որը նշանակում է, որ դուք եք պատասխանատու Աստվածաշնչի ձեր մեկնաբանության համար: Մեզնից յուրաքանչյուրը պետք է քայլի իր ունեցած լույսով: Դուք, Աստվածաշունչը և Սուրբ Հոգին եք մեկնաբանության մեջ առաջին տեղում: Դուք չպետք է այն զիջեք մեկնաբանին:

Քննարկման այս հարցերը կազմվել են ձեզ օգնելու, որպեսզի մտածեք գրքի այս բաժնի գլխավոր հարցերի շուրջ: Դրանք մտածելու տեղիք տվող հարցեր են և վերջնական չեն:

1. Թվարկե՛ք համար 1-5-ում բոլոր այն խնդրանքները որոնք սկսվում են «Թող . . . »:
2. Ի՞նչ է նշանակում «Թող Նա շնորհի քեզ քո սրտի ցանկությունը»:
3. Արդյո՞ք համարը 5-ը ակնարկում է ռազմական հաղթանակ: Ինչո՞ւ:
4. Ո՞վ է ՅԱՀՎԵԻ օծյալը: